

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Caput IX. De Ministro Sacramenti Eucharistiæ.

urn:nbn:de:hbz:466:1-40834

C A P U T I X.

De Ministro Sacramenti Eucharistiae.

Quæst. I. **Q** UINAM est hujus Sacramenti Minister?

Resp. Duplex in hoc Sacramento distinguidus est Minister. Alter est Minister confectionis; Alter distributionis, seu dispensationis Eucharistiae. Minister confectionis est solus Sacerdos; *Ad Presbyterum*, inquit sanctus Isidorus relatus in Canone, pertinet *Sacramentum Corporis & sanguinis Domini in altario Dei confidere*, quia solus Presbyter consecrare potest.

Ratio petitur ex hujus Sacramenti dignitate; ut enim ait Divus Thomas, *Hoc Sacramentum est tanta dignitatis, quod non conficitur nisi in persona Christi. Quicumque autem in corpore aliquid agit in persona alterius, oportet hoc fieri per potestatem ab illo concessam. Sicut autem baptizato conceditur a Christo potestas sumendi hoc Sacramentum, ita Sacerdoti, cum ordinatur, confertur potestas hoc Sacramentum consecrandi in persona Christi. Per hoc enim ponitur in gradu eorum, quibus dictum est a Domino, *Hoc facite in meam commemorationem: & ideo dicendum est, quod proprium est Sacerdotis confidere hoc Sacramentum.**

Pertinet etiam ad Sacerdotem hujus Sacramenti dispensatio. Presbyter, ut habetur in Canone, per semetipsum infirmos communiceat.

Potest tamen Diaconus administrare Eucharistiam urgente necessitate, ut dicitur in Ca-

Can. Perlec-
tis, dist. 25.

D. Th. 3. p.
q. 32. art. 1.

Can. Pervenit.
De Consecr.
dist. 2.

172 TRACTATUS IV.

Can. Præsente. none. **Præsente Presbytero, Diaconus Eucharistiam Corpus Domini populo, si necessitas cogat, jussus eroget.** Et in Concilio Eboraensi anno 1194. cap. 4. sic habetur. **Decrevimus etiam, ut nonnisi summa & gravi urgence necessitate, Diaconus Corpus Christi cuiquam eroget.**

Quæst. 2. Requiritur-ne status gratiæ ad administrandum Sacramentum Eucharistiae?

Resp. Est omnino necessarius, ita ut qui dispensaret Eucharistiam in statu peccati mortalis, peccaret graviter, ut enim ait Divus Thomas, *Ad reverentiam ipsius in dispensante hoc Sacramentum, non solum exigitur sanctificatio morum, sed etiam Sacramentalis sanctificatio. Vnde & manus Sacerdotis unctione sanctificatur.* Si enim Deus exigat tantam sanctitatem ab illis, qui altare proprius accedunt, ut secundum sanctum Antoninum,

S. Anton. in Confessionali in 3. p. interrogationum de Clericis cap. 11. *Quotiescumque quis exequitur officium alicujus Ordinis in mortali, ut Acolythatum, Subdiaconatum, & hujusmodi, mortale est. Quantò magis afferere debemus, eum qui in peccato mortali hoc Sacramentum administrat, reum esse peccati mortalis, quippe qui proprius ad res sacras accedat, quam Acolitus, aut Subdiaconus, qui circa vasorum, aut circa materiam hujus Sacramenti parandam versantur.*

Quæst. 3. Quibusnam administrari non debet Sacramentum Eucharistiae?

S. Th. in 4. dist. 9. art. 5. in respon. ad 1. quæst. *Resp. Ex Divo Thoma, si peccatum est manifestum, debet denegari Eucharistia, sive in occulto, sive in manifesto petat. Idem habet Divus Bonaventura.*

S. Chrysost. homilia 83. in Matth. *Sanctus Joannes Chrysostomus ait: Non parva vobis, scilicet Sacerdotibus, imminet pena, si quem aliqua improbitate teneri*

De Sacram. Euchar. Cap. IX. 173

*scientes, ei hujus mensa participationem per-
mittatis. Sanguis enim ejus ex manibus re-
quiretur vestris: non de ignotis, sed de notis
hac disputo.*

Sanctus Carolus de Sacramento Eucharistiae differens haec tradit: *Non admittuntur ad S. Carol. Ac-
Communionem Hæretici, Schismatici, Excom- tor. part. 4.
municati, interdicti, publicè criminosi, ma- De Sacram.
nifestèque infames; ut Meretrices, publici Euchar.
Concubinatii, fœneratores, Magi, Sortilegi,
Blasphemi, & alii id generis publicè facino-
rosi homines. Et in Concilio Mediolanensi le-
gitur: Si quis odia & inimicitias exerceant, Conc. Me-
si alii denique qui in aliqua peccandi consue- diol. 4. tit.
tudine usuque jaceant. Nec verò antea quam Quæ ad Pœ-
ipse perspexerit, istos ab ea male agendi via
recessisse, peccandique occasionem, ac publicas ninent.
offensiones præcidisse, permittat (etiam si qui
testimonium Confessarii afferant) ne in Pas-
chali quidem célébritate sacram Communionem eis ministrari: quin imò illam tandem
differri jubeat, quoad eorum veram vita
emendationem Episcopus cognoverit. His acce-
dunt Histriones, quia, ut ait sanctus Cypria-
nus relatus in Canone: *Nec Majestati Divina, Can. Pro dilec-
vel Evangelica congruit disciplina, ut pu- tione. De Con-
dor, vel honor Ecclesiæ tam turpi & infami secr. dist. 3.
contagione fœdetur per Communionem. Posset
tamen illis concedi Eucharistia, ut ait Conci-
lium Carthaginense, si veræ conversionis
signa dedissent: Scenici, inquit Concilium, Can. Scenici,
atque Histrionibus ceterisque hujusmodi perso- De Consecr.,
nis, vel Apostaticis conversis, vel reversis ad dist. 2.
Dominum, gratia vel reconciliatio non ni-
getur.**

Denique sanctus Carolus monet, ut Mulie- S. Carol. Ad.
res non sumptuosis, non caudatis vestibus, p. 4. de Sa-
non crinibus inaniter intortis, non fuco aut cram. Eucha-
ristiæ,

174 TRACTATUS IV.

pigmentis vultu illito, non pectore, nudo aut tenui velo obtecto, sed ita vestito, ut ne praeter faciem quidquam cernatur, velo denso bene super faciem demisso, ad hoc Sacramentum accedant, secus esse repellendas.

Quæst. 4. Debet-ne dari Eucharistia iis quorum peccatum non est publicè notum?

Resp. Sanctus Thomas hanc egregiè solvit *S. Thos. in 4. difficultatem, cùm ait; Si Sacerdos sciat peccatum alicujus, qui Eucharistiam petit per Confessionem, vel alio quolibet modo: distinguendum est, quia aut peccatum est occultum, aut manifestum. Si est occultum aut exigit in occulto, aut in manifesto. Si in occulto, debet ei denegari, & monere, ne in publico petat. Si autem in manifesto petit, debet ei dari. Primo, quia pro peccato occulto pœnam inferens publicam, revelator est Confessionis, aut proditor criminis. Secundo, quia quilibet Christianus habet jus in perceptione Eucharistie, nisi illud per peccatum mortale admittat; unde cùm in facie Ecclesia non constet istum amississe jussuum, non oportet ei in facie Ecclesia denegari.*

Rituale Romanum de Sacramento Eucharistie ait: *Occultos vero peccatores si occulè petant, & non eos emendatos agnoverit, repellat; non autem si publicè petant, & sine scandalo ipsos præterire nequeat.*

Quæst. 5. Debet-ne pueris ante annos distinctionis dari sancta Communio?

Resp. Licet prioribus Ecclesiæ sæculis quibusdam in locis concessa fuerit pueris sacra Communio; hæc tamen consuetudo prudentissimo Ecclesiæ judicio, & authoritate nunc

S. Carol. A&T. penitus exolevit; Pueris item, ait sanctus Cap. 4. De Sa- rolus, qui propter etatis imbecillitatem non- cram. Eucha- dum hujus Sacramenti cognitionem & gustum ristiae.

De Sacram. Euchar. Cap. IX. 175
habent, Sacram Eucharistiam non ministrabit.

Rationem affert Divus Thomas, dum ait;
Dicendum, quod pueris carentibus usu ratio- D. Th. in 4.
nis, qui non possunt distinguere inter cibum dist. 9. art. 5.
spiritualem & corporalem, non debet Eucha- in resp. ad 4.
ristica dari, quia ad Eucharistica sumptionem quæst.
exigitur actualis devotione quam tales pueri ha-
bere non possunt: pueris autem, jam incipien-
tibus habere discretionem, etiam ante perfectam
atatem, putare cum sint decem vel undecim
annorum, aut circa hoc, potest dari, si in eis
signa discretionis appareant & devotionis.
Quod præsertim intelligendum est, si mortis
immineat periculum, ne sine hoc Viatico dis-
cedant.

Quæst. 6. Quomodo intelligendum est
quod refertur in Canone, ubi sic ait Bonifa-
cius Papa: *Non cogitetis eos vitam habere Can. In Eccle-*
posse, qui fuerint expertes Corporis & sanguini- sia. De Con-
nis Christi, dicente ipso, nisi manducaveritis fecr. dist. 4.
Carnem meam, non habebitis vitam in vo-
bis?

Resp. Sanctus Thomas sic ait; Intelligen- D. Th. in 4.
dum est, quantum ad rem Sacramenti, qua dist. 2. art. 5.
est unitas Ecclesia, extra quam non est salus, q. 4. ad 2.
neque vita; & non quantum ad Sacramen-
talem manducationem.

Quæst. 7. Debet-ne dari Sacra Communio
amentibus rationis usu carentibus?

Resp. Dicendum cum Divo Thoma, quod S. Th. in 4.
de amentibus distinguendum est: quidam enim dilt. 9. art. 5.
dicuntur largè amentes, quia debilem men- in resp. ad 3.
tem habent, sicut dicitur in visibile quod ma- quæst.
lè videtur: & tamen sunt aliquo modo doci-
biles eorum qua ad fidem & devotionem Sa-
cramenti pertinent: & talibus non oportet
Corpus Christi denegari. Quidam vero sunt

176 TRACTATUS IV.

omnino carentes judicio rationis: & isti vel fuerunt tales à nativitate; & tunc eis non debet dari, quia non possunt ad devotionem induci qua requiritur ad hoc Sacramentum: vel inciderunt in amentiam post fidem & devotionem Sacramenti; & tunc debet eis dari, nisi timeatur periculum, vel de vomitu, vel de expulsione, aut aliquo hujusmodi.

Concilium Carthaginense 4. relatum in Canone ait; *Is qui pœnitentiam in infirmitate petit, si casu, dum ad eum Sacerdos invitatus venit, oppressus infirmitate obmutuerit, vel in phrenesim versus fuerit, dent testimonium qui eum audierunt, & accipiat pœnitentiam: & si continuò creditur moriturus, reconcilietur per manus impositionem, & infundatur ori ejus Eucharistia. Si supervixerit, admoneatur à supradictis testibus petitioni sua satisfactum, & subdatur statutis pœnitentia legibus, quamdiu Sacerdos qui pœnitentiam dedit probaverit.*

S. Carol. A&.
P. 4. De Sa-
cram. Eucha-
rist. tit. qui
ad com. ad-
mittendi. Idem decrevit sanctus Carolus: *Amentibus, inquit, præterea hoc Sacramentum non ministrabit. Quamvis si antequam in insaniam inciderint, piam & religiosam animi voluntatem pra se tulerint, licebit in fide via ex Decreto Concilii Carthaginensis, modo vomitionis vel alterius indignitatis & incommode periculum non sit.*

Idem videtur dicendum de surdis & mutis à nativitate, si dum essent sani & incolumes divinis mysteriis, & officiis libenter & religiose interfuerint, si cum honoris & reverentiae testificatione Deum adoraverint, & externo corporis habitu testati fuerint, se realem Corporis Christi in hoc Sacramento adorandi praesentiam credere, & ardens quoddam ejusdem Corporis percipiendi desiderium nutibus, &

De Sacram. Euchar. Cap. IX. 177

signis pateficerint ; si denique præmissa Sacra-
mentali confessione , quæ ab eis per signa , &
nutus extorquetur , peccatoris tensione , & aliis
id generis indiciis , conceptum de peccatis do-
lorem , sicut & plam animi voluntatem indi-
caverint.

Quæst. 8. Quisnam dici potest manifestus,
sive publicus peccator , ita ut ei merito dene-
gari possit sacra Communio ?

Resp. Manifesti peccatores dicuntur illi qui
vel per sententiam , quæ in convictum fertur ,
aut per Confessionem factam in iudicio sunt
notati ; vel qui per factum notorium , cuius
populus est testis , sunt manifesti peccatores .
Itaque ille dicitur . v. g. publicus usurarius , qui
per propriam Confessionem aut per testes à Ju-
dice pro tali damnatur , vel qui ex notorio
facto est manifestus peccator , ut qui ex officio
usuras exercet .

Illud autem dicitur peccatum publicum , &
notorium per evidentiam facti , quod nulla
tergiversatione potest celari , ut habetur ex-
pressè in cap. *Tua nos. De Cohabitatione Cle-
ricorum & mulierum.* Ubi vero de adminis-
tratione Sacramentorum agitur , nullus certus
potest præscribi personarum numerus , ut cri-
men dicatur notorium ; sed relinquitur pru-
dentum arbitrio seu iudicio .

Quæst. 9. In dubio , utrum scilicet quis sit
publicus peccator , si potest probari ejus cri-
men per testes , debet-ne à publica Commu-
nione excludi ?

Resp. In re dubia locum habet regula juris :
Melior est conditio possidentis ; unde quia quis
possessor est suæ famæ , inclinandum est in
hanc partem , ut in re ancipiti , ad Commu-
nionem admittatur , præsertim cum juxta
axioma Juris , Omnis homo naturaliter præ-

178 TRACTATUS IV.

sumitur bonus , nisi contraria facta ejus prodant delicta .

Non ideo semper crimen dicitur notorium , quod probari per testes valeat ; indicia autem jus tantum faciunt , ut viâ inquisitionis ad causæ cognitionem procedatur , non autem ut infames ante condemnationem , aut notorietatem à sacra Communione arceantur : nisi quando nulla tergiversatione crimen occultari potest , quia à multis certò scitur .

Quæst. 10. Si peccat Sacerdos ministrando Eucharistiam peccatori publico , effet-ne minus malum ministrare ei hostiam non consecratam ?

Resp. Nullo modo debet dari hostia non consecrata , pro consecrata : tum quia in Sacramento veritatis , non debet esse aliqua fictione : tum quia cum manducans adoret quod manducat , ut ait sanctus Augustinus , daret Sacerdos occasionem idololatriandi , quod gravissimum est flagitium , & pio Sacerdoti horrorem incutere debet .

C A P U T X.

De Necessitate Sacramenti Eucharistiae.

Quæst. I. **Q**UOTPLEX est necessitas?

Resp. Duplex necessitatis genus distingui potest ; altera est necessitas medii , cum scilicet res adeò necessaria est ad obtainendum finem , ut sine ipsa finis nunquam haberi possit : sic gratia sanctificans necessaria est ad salutem necessitate medii , quia sine ipsa salus nunquam obtineri potest .

Altera est necessitas præcepti , cum scilicet